

ଥେସଲନୀୟ ବିଶ୍ୱାସୀମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ଥେସଲନୀୟ ବିଶ୍ୱାସୀଙ୍କ ଗାରେ ପାଉଲ୍‌ଙ୍କ ଦ୍ୱିତୀୟ ଚିଠି

୨ ଥେସଲନୀୟ ବିଷୟରେ ଅଣ୍ଟୟ ପଦ୍

ଥେସଲନୀୟ ମଣ୍ଡଳି ଗାରରେ ଦ୍ୱିତୀୟ ଚିଠି ପ୍ରେରିତ୍ ପାଉଲ୍‌ଙ୍କଦ୍ୱାରା ଲେଖିତାଦ୍ ଆସ୍‌ମାତ୍‌ରେ ୧:୧ । ପ୍ରତମ୍ ଥେସଲନୀୟରେ ସୁଦୁର୍ ଦିନାମ୍ ପେରକେ କ୍ରିଷ୍ଟନ୍ ଜନମ୍‌ରେ ୫୧ ଏଣ୍ଟକ୍ ପେରକେ ଇଦ୍ ଚିଠି ଲେଖିମାତ୍‌ତଣ୍ । ପାଉଲ୍ ବେସୁର୍ ଥେସଲନିକିୟ ମଣ୍ଡଳିକିଙ୍କ ଚିଠି ଲେଖିତଣ୍, ଆସୁଟେ ଅଣ୍ଟ କରନ୍ତିୟ ମଣ୍ଡଳିତାର୍ ମାତ୍‌ତଣ୍ । ବେନ୍ ମଣ୍ଡଳି ଅଣ୍ଟ ଦ୍ୱିତୀୟ ମିଶନାରୀ ଆଦାନ୍‌ଝେଲେ ନିଲ୍‌ସ୍ତି ମାତ୍‌ତଣ୍ ପ୍ରେରିତ ୧୭:୧-୧୦ ।

ପ୍ରେରିତ୍ ବଇତାର୍ କେତାନଙ୍କ ଆଦ୍‌ରେ ଯେ, ବେସ୍‌କ୍‌ତୁଡ୍, ଯିହୁଦୀ ନୁ ନାର୍‌ଗେ ଗ୍ରୀକ୍ ଗର୍ କେସମାନ୍‌ନ୍ ନାରୁଡ୍‌ତଡ୍ ଇଦ୍ ଥେସଲନୀୟ ମଣ୍ଡଳି ନିଲ୍‌ସ୍ତି ମାତ୍‌ତଡ୍ । ଥେସଲନିକିୟ ମଣ୍ଡଳି ଗାରରେ ଲେଖିତାଦ୍ ଆସ୍‌ମାନ୍‌ନ୍ ଚିଠିତାର୍ କ୍ରିଷ୍ଟନ୍ ଝାଦାନାଦ୍ ନୁ ମାଡେଙ୍କ୍‌ରେ ଝେଲେଡ୍ ବିଷୟ ଲେଖିତାଦ୍ ମିନ୍ଦେ । ବାଡେଙ୍କ୍‌ଡ୍‌କେ ପାଉଲ୍ ରେଣ୍ଡ ତାନ୍ ଚିଠିତାର୍ ଥେସଲନିକିୟ ମଣ୍ଡଳି ଗାରରେ ଇଦ୍ ଦ୍ୱିତୀୟତାମ୍ ଝାଦାନାଦ୍ ବିଷୟରେ ନାର୍‌ଗେ ବିଷୟ ଲେଖିମିନ୍ଦେଣ୍ । ଦ୍ୱିତୀୟ ଥେସଲନୀୟତାର୍ ଲେଖିତାଦ୍ ବିଷୟ ଗାରେଗାରେ ଦୁଡା ବିଷୟ ମାଡେଙ୍କ୍‌ରେ ଝେଲେଡ୍ ବିଷୟ । ପାଉଲ୍ ଗାଲା ମିଟିଙ୍କ୍ ବିଷୟରେ ସତର୍କ୍ ମାଡ୍‌ତୁଣ୍ । ସାର୍‌ରେ ନାରୁଡ୍‌ତାମ୍ କାଦି ସେଙ୍ଗେ ପାଡ୍‌ୟି ମାଡାନାଦ୍ ସାୟେ ୩:୭-୧୦ ।

ବଇଡ୍ ଲୋପେ ମାନ୍‌ନ୍ ମୁକ୍ୟ ବିଷୟ

୧. ପାଉଲ୍ ତାନ୍ ଚିଠିତାର୍ ନିଜେଡ୍ ନୁ ତାନତଡ୍, ପାଡ୍‌ୟିମାଡାନତାଦ୍ ପରିତୟ ଇସ୍ ଆରାମ୍ ମାଡିତନ୍ ।

୧:୧-୨

୨. ନୁ ଥେସଲନି ମଣ୍ଡଳି ସେଙ୍ଗେ ଇଶ୍ବରତିଙ୍କ ଦନ୍ୟବାଦ୍ ଇଦତଣ୍ଡୁ
ନୁ ପ୍ରାର୍ଥନା ମାଡ଼ିତନ୍ । ୧:୩-୧୨

୩. ଦ୍ବିତିୟ ଅଦ୍ୟାୟତେ ଜଗତ୍ତେ ମାଡ଼େଙ୍କତେ ଖେଲେଡ଼
ବିଷୟତେ କେତିତଣ୍ଡୁ । ୨

୪. ନୁ ଅଣ୍ଡ ମଣ୍ଡି ବିରୁଦ୍ଦତେ ନୁ ଗାଟି ପାଡ଼୍ଯି ମାଡ଼ାନ୍ ବିଷୟତେ
କେତିତଣ୍ଡୁ । ୩:୧-୧୫

୫. ପାଉଲ୍ ମେଣ୍ଡିଅନ୍ଦାମ୍ ମଣ୍ଡଳିତେ ନାରୁଡ଼କିଙ୍କ ନମସ୍କାର୍
ମାଡ଼ି ତେରସ୍ତିତଣ୍ଡୁ । ୩:୧୬-୧୮

୧ ☆ନାନ୍ ପାଉଲ୍, ସିଲେ ନୁ ତୀମତି ମାନ୍ ବାବାଲ୍ ଇଶ୍ବର ନୁ
ପ୍ରବୁ ଜିସୁ କ୍ରିଷ୍ଟନାଗେ ମାନ୍ଦାନ୍ ଥେସଲନିକୀ ମଣ୍ଡଳି ପାକେ ଚିତି
ଲେକ୍ତାନ୍ ।

୨ ବାବାଲ୍ ଇଶ୍ବର ନୁ ପ୍ରବୁ ଜିସୁ କ୍ରିଷ୍ଟ ମିକିଙ୍କ ଅନୁଗ୍ରହ ନୁ ଶାନ୍ତି
ଇଞ୍ଜିଣ୍ଡୁ ।

କ୍ରିଷ୍ଟ ଖାଦାନାଦ୍ ନୁ ବିଚାର୍

୩ ହୋ ଦାଦାନଡ଼ି ନୁ ଏଲ୍ଲାସ୍! ମିଇ ସେଙ୍ଗେ ଇଶ୍ବରତିଙ୍କ ସାରେଦାମ୍
ଦନ୍ୟବାଦ୍ ଇଦାନ୍ ମାୟାଦ୍ ଲେକାମ୍, ମେଣ୍ଡେ ଆଦ୍ ଲେକାମ୍,
ବାତେଙ୍କ ଇଡ଼କେ ମିୟାଦ୍ ବିଶ୍ବାସ୍ ଲେକାମ୍ ନାରଗେ ଆସମିନ୍ଦେ,
ନିଜେ ନିଜେଡ଼ ଲୋପେ ମୀଡ଼୍ ସାରେତଡ଼୍ ଖେରନ୍ ଖେରନ୍ ପ୍ରେମ
ଅଦିକ୍ ଆସମିନ୍ଦେ ।

୪ ଇଦ୍ଲେକାମ୍ ମୀଡ଼୍ ବେନ୍ସାରେ ତାଡ଼ନା ନୁ କଷ୍ଟ ଆଦୁଡ଼ିଡ଼୍,
ଆଗେକ୍ ମିୟାଦ୍ ସାରେ ନୁ ବିଶ୍ବାସ୍ତେ ସେଙ୍ଗେ ମାମ୍ମେ ନିଜେଡ଼
ଇଶ୍ବରତେ ମଣ୍ଡଳି ମୁନେ ମିଇ ବିଷୟତେ କେତିତମ୍ ।

୫ ଇଶ୍ବରତେ ବେନ୍ ରାଜ୍ୟ ସେଙ୍ଗେ ମୀଡ଼୍ ଦୁଃଖାମ୍ ମାଡ଼ଡ଼ିଡ଼୍,
ଆଗେଡ଼ ଯୋଗ୍ୟ ଇଞ୍ଜି ଆଡ଼ତାଙ୍କ ସେଙ୍ଗେ ଇଦ୍ ତ ଇଶ୍ବରତେ ଟିକ୍
ବିଚାର୍ତେ ସାରେତାଦ୍ ପ୍ରମାନ୍ ।

୬ ବାତେଏ ଟିକ୍ ଆଦ୍ ଇଶ୍ବର ମାଡ଼ିତନ୍ । ବେନ ନାରୁଡ଼୍ ମିକିଙ୍କ
କଷ୍ଟ ଇଡ଼ତଡ଼୍ ଇଶ୍ବର ଅଡ଼କିଙ୍କ କଷ୍ଟ ଇଦ୍ତନ୍ ।

୭ ଇଶ୍ଵର ମିୟାଦ ତିପାଳ୍ପତିଙ୍କ ଶେଷ ମାଡ଼ିତନ୍, ମାନ ଗାଲା ସାନ୍ତନା ମାଡ଼ିତନ୍ । ଇଶ୍ଵର ଇଦ ପାଡ଼ିୟି ସାଦନ୍ ମାଡ଼ିତନ୍, ବେସୁଟ୍ ପ୍ରବୁ ଜିସୁ ତାନ୍ ବେଡ଼ୟାଦ ପରାକ୍ରାନ୍ତ ଦୂତନ୍ ତଡ଼ ସ୍ଵର୍ଗତାଗାଙ୍କ ଡିଗିତଣ୍ ।

୮ ବେନଡ଼ ଇଶ୍ଵରତିଙ୍କ ପୁନଡ଼ ନୁ ମାନ୍ ପ୍ରବୁ ଜିସୁନ୍ ସୁସମାଚାର ମାନେମ୍ ଆୟ୍‌ୟଡ଼, ଅଡ଼କିଂଙ୍କ ଅଣ୍ ନିଡ଼ତାନାଦ କିସ୍‌ତାଗ୍ ଦଣ୍ ହିଦତନ୍ ।

୯ ଆଦ ନାରୁଡ଼ ପ୍ରବୁନ୍ ଶାନ୍ତି, ପରାକ୍ରମ୍ ନୁ ଗୌରବ୍ ତାଗାଙ୍କ ଖେରେ ଆସ୍ ସାରେଦିନାଡ଼ ସେଙ୍ଗେ ବିନଷ୍ଟ ଆଦତଡ଼ ।

୧୦ ବାତେଙ୍କ ଇଡ଼କେ ଆଦ ଦିନ୍ ଅନ୍ ତାନ୍ ନାରିଡ଼ ତାଗାଙ୍କ ନୁ ସାରେ ବିଶ୍ଵାସି ନଡ଼ଗାଙ୍କ ସମ୍ମାନ ନୁ ଗୌରବ୍ ପାଏମ୍ ଆଦତଡ଼ । ଇଡ଼ ଲୋପେ ମିଡ଼ଆନନ୍ତେ କାଲିଡ଼ିଡ଼, ବାତେଙ୍କ ଇଡ଼କେ ମାମ୍ ମିକିଂଙ୍କ ବେନସାରେ କାବୁର୍ ଇସ୍ ମାଡ଼ତମ୍, ଆଗେ ମିଡ଼ ବିଶ୍ଵାସ୍ ମାଡ଼ିଡ଼ିଡ଼ ।

୧୧ ମାନ୍ ଇଶ୍ଵର ବେଦଲେକାମ୍ ମିକିଂଙ୍କ ନିଜେ କାର୍‌ଜାତଣ୍ ଯୋଗ୍ୟ ହିଞ୍ଜ ଗଣନା ମାଡ଼ିତନ୍, ମେଣ୍ଟେ ସାରେ ସାୟେ ପାଡ଼ିୟି ନୁ ବିଶ୍ଵାସତେ ପାଡ଼ିୟି ଶକ୍ତିତେ ସିଦ୍ ମାଡ଼ିତନ୍, ଆଦିନ୍ ସେଙ୍ଗେ ମାମ୍‌ମେ ସାରେଦାମ୍ ମିଜ୍ ସେଙ୍ଗେ ପ୍ରାର୍ଥନା ମାଡ଼ତୁମ୍ ।

୧୨ ଆଲେକେ, ମାନ୍ ଇଶ୍ଵର ନୁ ପ୍ରବୁ ଜିସୁ କ୍ରିଷ୍ଟନ୍ ଅନୁଗ୍ରହ ତାଗାଙ୍କ, ନିମ୍ ମା ପ୍ରବୁ ଜିସୁନ୍ ପେଦେରତିଙ୍କ ଗୌରବ୍ ମାଡ଼କେ ନୁ ମିକିଂଙ୍କ ଆନତେ ଅଣ୍ ଗୌରବ୍ ମାଡ଼ିତନ୍ ।

୨

ଦୁଷ୍ଟ ନାରୁଡ଼

୧ ☆ଦାଦାନଡ଼ି ନୁ ଏଲାସ୍, ପ୍ରବୁ ଜିସୁ କ୍ରିଷ୍ଟନ୍ ଝାଦାନାଦ ବିଷୟତେ ନୁ ଅନ୍ ପାକେ ମାନାଡ଼ ସାରେତଡ଼ ଅଣ୍ଟାୟାଗେ ଆଦାନ୍ ମୁନେଙ୍କ ମିକିଂଙ୍କ ଅନୁରଦ୍ ମାଡ଼ତୁମ୍ ।

୨ ପ୍ରବୁନାଦ ଦିନାମ୍ ଝାସହେଉତେ ଇଞ୍ଜ ବେନନାଗାଙ୍କ କେଞ୍ଜି ମିଡ଼ ଦାନ୍ଦେ ଆୟ୍‌ମାଟ୍ । ମାମ୍‌ମେ ପ୍ରଚାର ମାଡ଼ାନ୍ ଖେଲେ ଇଦଲେକାମ୍ ବାତେଏ ଗଟ୍ କେଡ଼ତମ୍, ବା ଇଦ୍ ବିଷୟତେ ବାତେଏ ଲେକି କେଞ୍ଜିପତମ୍ ଇଞ୍ଜ ବେସ୍‌ତୁଡ଼ାଦ୍ ମନ୍‌ଦାଗ୍ ମିନ୍ଦେ ।

୩ ଇଦଲେକାମ୍ କେସ୍ ମିକିଂଙ୍କ ବେନ ବେଲାବାଆୟି ପ୍ରତାରନା ମାଡ଼ମାକି । ଇଶ୍ବରତେ ବିରୁଦ୍ଧତେ ଅନ୍ତିମ ଯୁଦ୍ଧ ଗଟେମ୍ ଆୟ୍‌ସେ ଯାକ ନୁ ଆଦ୍ ନରକ ଆଦାନାଦ୍ “ଆଦାମ୍ ଆମ୍ବା,” ନରକତାର୍ ଅନ୍‌ସେ ଯାକ ଆଦ୍ ଦିନ୍ ଝାଡ଼ ।

୪ ଆଦ୍ କାରାପ୍ ଆମ୍ବା ନାରୁଡ଼ାଦ୍ କେତାନାଦ୍ ସାରରେ ପୁଜାମାଡ଼ାନ୍ ଦେୟାମ୍ ନୁ ଉପାସ୍ୟ ବସ୍ତୁତ୍ବାଦ୍ ବିରୁଦ୍ଧ ଆଚରନ୍ ମାଡ଼ିତ୍ ନୁ ନିଜେତିଙ୍କ୍ ସାରେଡ୍ ପରର ନେଃତାନଙ୍କ୍ ପାର୍ଦ୍ଦତେ । ଇଦ୍ ରକମ୍ କି ଅଣ୍ ଇଶ୍ବରତେ ମନ୍ଦିରତାର୍ କୁଦି ନିଜେ ଇଶ୍ବର ଇଞ୍ଜ ଦାବା ମାଡ଼ିତ୍ ।

୫ ମିକିଂଙ୍କ୍ ବାତେଏ ଏକା ଇଲେ ? ନାନ୍ ମିଇ ତଡ଼୍ ମାୟାନ୍ ଝେଲେ ମିକିଂଙ୍କ୍ ଇ ସାରେ ବିଷୟ କେସ୍‌ମାଡ଼ତାନ୍ ?

୬ ଆଦ୍ ବିପଦ୍ ଇଞ୍ଜେ ଗଟେମ୍ ଆୟ୍‌ୟ, ବାତେଙ୍କ୍ ଇଡ଼କେ ଆଦିନ୍ ପ୍ରତିରଦ୍ ମାଡ଼ାନଙ୍କ୍ ଇଞ୍ଜେ ଝେରଡ଼୍ ଶକ୍ତି ମିନ୍ଦେ, ଆଦ୍ ବାତେଏ ମିଡ଼୍ ପୁଡ଼ତିଡ଼୍ ! ବାତେଙ୍କ୍ ଇଡ଼କେ ଟିକ୍ ସମୟ୍‌ତେ ଆଦ୍ ଦୁଷ୍ଟଆମ୍ବା ତଅନ୍‌ଦିଡ଼୍ ।

୭ ବାତେଙ୍କ୍ ଇଡ଼କେ ଅଦାମ୍‌ତାର୍ ଆମ୍ବା ଇଞ୍ଜେ ଗାଲା ପାଡ଼ୟି ମାଡ଼ତୁ । ମାଡ଼ିର୍ ଅନାଦ୍ ବାଦା ଇଦାନ୍ ନାରୁନ୍ ଦୁରାମ୍ ଆୟ୍‌ସେ ଯାକ ଆଦ୍ ପାଡ଼ୟି ମାଡ଼ମାନ୍‌ତେ ।

୮ ତାନ୍ ପେରକେ ପାପଆମ୍ବା ହେକାମ୍ ଆଦ୍‌ତେ; ବାତେଙ୍କ୍ ଇଡ଼କେ ବେସୁଙ୍କ୍ ପ୍ରୁ ଜିସୁ ଝାଦ୍‌ତନ୍, ଅନ୍ ତାନ୍ ମକମ୍‌ତେ ନେହେସ୍‌କାନାଲ୍‌ଦ୍ ତଡ଼୍ ଦଂସ ମାଡ଼ିତନ୍, ନୁ ଅନ୍ ଜାଜଲ୍‌ଲ୍ୟମାନ୍ ଦିନ୍ ଏଞ୍ଜୁକେ ଝିଡ଼ସି ଆଦ୍‌ତନ୍ ।

୯ ☆ଆଦ୍ ଦୁରଆମ୍ବା ଶୟ୍‌ତାନ୍ ଲାଞ୍ଜ୍‌ଦେ ତାରୁମ୍ ଆସ୍ ଝାଦ୍‌ତନ୍ ନୁ ନାର୍‌ଗେ ଲେକ୍‌ତାଉ ଦାଦ୍‌ରେଲାନ୍ ପାଡ଼ୟି ମାଡ଼ାନଙ୍କ୍ ବୁସା ମାଡ଼ିତନ୍ ।

୧୦ ନାର୍‌ଗେମୁଲ୍ ତାନ୍ ପ୍ରତାରଣାତାର୍ ବ୍ରାନ୍ତ ଆସ୍ ବିନଷ୍ଟ ଆଦ୍‌ତଡ଼୍ । ବେନ୍ ସଡ଼ତିଙ୍କ୍ ଗ୍ରହନ୍ ମାଡ଼ି ତାନ୍ ସେଙ୍ଗେ ଆଶୁକ୍ତ ଆଦ୍‌ଦାନ୍ ତଡ଼୍, ବେନ୍ ନାରିଡ଼୍ ମାଇ ମିନ୍ଦେ, ଅଡ଼୍‌କିଂଙ୍କ୍ ପ୍ରତାରନ୍ ମାଡ଼ାନଙ୍କ୍ ଇଦ୍ କାରାପ୍ ନାରିଡ଼୍ ସାରେଡ଼୍‌ଲେକେଡ଼୍ କାରାପ୍ ପାଡ଼ୟି ସୃଷ୍ଟିମାଡ଼ିତଡ଼୍ । ଅଡ଼୍ ସଡ଼ତିଙ୍କ୍ ପ୍ରେମ୍ ଆଦିଲ୍‌ସେ ସେଙ୍ଗେ ଅସ୍ବାକାର୍ ମାଡ଼୍‌ତଡ଼୍, ବେଦ୍‌ଲେକାମ୍ ଅଡ଼୍ ଉଦ୍‌କାର୍ ଦସ୍‌କି ଆୟେଡ଼୍ ।

୧୧ ବାତେଏ ସତ୍, ଇଦିନ୍ ସେଙ୍ଗେ ଅଡ୍ ବେନ ମିଡ଼ିଙ୍ଗ୍ ବିଶ୍ୱାସ୍ ମାଡ଼ିତଡ୍, ଆଦିନ୍ ସେଙ୍ଗେ ଇଶ୍ୱର୍ ଅଡ୍ ପାକେ ନଷ୍ଟ ଉପାଦକ ଶକ୍ତି କାୟଦେ ଝିଡ଼ସିଦତନ୍ ।

୧୨ ବେନଡ୍ ସଡ଼ିଙ୍ଗ୍ ବିଶ୍ୱାସ୍ ମାଡ଼କର୍ ମାନ୍ତ୍ରନ୍, ମାତର୍ ପାପାମତାଗ୍ ଝେଡ଼କ୍ ମାଡ଼ିତଡ୍, ଅଡ୍ ସାରେତଡ୍ ହିଦ୍ଲେକାମ୍ ଦଣ୍ ପାଏମ୍ ଆଦତଡ୍ ।

ମିଡ଼ ପରିତ୍ରାନ୍ ଆସ୍ ଏଞ୍ଜିଆଡ଼ିଡ଼

୧୩ ହୋ ଦାଦାନଡ଼ି ନୁ ଏଲ୍ଲାସ୍, ମିଇ ସେଙ୍ଗେ ଇଶ୍ୱର୍ତିଙ୍ଗ୍ ଦନ୍ୟବାଦ୍ ହିଦାନାଦ୍ ଲେକାମ୍ । ବାତେଙ୍ଗ୍ ଇଡ଼କେ ପ୍ରବୁ ମିକିଙ୍ଗ୍ ପ୍ରେମମାଡ଼ୁ । ସଡ଼ତେ ମିୟାଦ୍ ବିଶ୍ୱାସ୍ତେ ସେଙ୍ଗେ ଇଶ୍ୱର୍ ମିକିଙ୍ଗ୍ ପରିତ୍ରାଣ ମାଡ଼ିମିନ୍ଦେଣ୍, ବେଦ୍ଲେକାମ୍ ପବିତ୍ର ଆମ୍ ଶକ୍ତିତେ ମାଡ଼ ପରିତ୍ରାନ୍ ଆଦତିଡ଼ ନୁ ଝେରଡ଼ ପବିତ୍ର ଜିଝାତେ ଗୋଷ୍ଟି ଆଦତିଡ଼ ।

୧୪ ମିଇ ପାକେ ମାମ୍ମେ ବେନ୍ ନେଲା କାବୁର୍ କେଡ଼ତଣ୍, ଆଦିନ୍ ସେଙ୍ଗେ ଇଶ୍ୱର୍ ମିକିଙ୍ଗ୍ କାରଙ୍ଗିମିନ୍ଦେନ୍ । ମାନ୍ ପ୍ରବୁ ଜିସୁ କ୍ରିଷ୍ଟନ୍ ମାଇମାତେ ଗୌରବ୍ତେ କାଇଲାନ୍ ସେଙ୍ଗେ ଅଣ୍ ମିକିଙ୍ଗ୍ କାରଙ୍ଗିମିନ୍ଦେନ୍ ।

୧୫ ହୋ ଦାଦାନଡ଼ି ନୁ ଏଲ୍ଲାସ୍, ମାୟାଦ୍ କେତାନାଦ୍ ନୁ ଚିଟିତେ ବେନ୍ସାରେ ଶିକ୍ଷାଲେକାମ୍ ବେନ୍ସାରେ ସଡ଼ କେସ୍ମିନ୍ଦେମ୍, ଆଦିଙ୍ଗ୍ ଡାରୁମ୍ ପଇସ୍ ମାନୁର୍; ବିଶ୍ୱାସ୍ତେ ମାନୁର୍ ।

୧୬ ମାନ୍ ପ୍ରବୁ ଜିସୁ କ୍ରିଷ୍ଟ ନିଜେ, ମାନ୍ ବେନ୍ ବାବାଲ୍ ଇଶ୍ୱର୍ ମାନ୍ ପ୍ରେମ ମାଡ଼ି ମାନ୍ ଅନୁଗ୍ରହତେ ମାନ୍ ସାରେଦିନାଡ଼ ସାନ୍ନା ନୁ ଲେକେଡ଼ ଆଶେ ଇସ୍ମିନ୍ଦେନ୍ ।

୧୭ ଅଣ୍ ମାନ୍ ସାରେଦିନାମ୍ ସାୟେ ପାଡ଼୍ ମାଡ଼ାନ୍ ସେଙ୍ଗେ ନୁ ସଡ଼ ବାକ୍ୟ କେତାନଙ୍ଗ୍ ରହତନ୍ ନୁ ଶକ୍ତି ଇଞ୍ଜିଣ୍ ।

୩

ମା ସେଙ୍ଗେ ପ୍ରାର୍ଥନା ମାଡ଼ାଟ୍

୧ ଦାଦାନଡ଼ି ନୁ ଏଲ୍ଲାସ୍, ମାଡେଙ୍ଗ୍ ନାନ୍ ମିକିଙ୍ଗ୍ କେତୁତାନ୍, ମା ସେଙ୍ଗେ ପ୍ରାର୍ଥନା ମାଡ଼ାଟ୍ । ଯେ ପ୍ରବୁନ୍ ବାକ୍ୟ ନୁ ଶିକ୍ଷା ଯାପେ ସାରେପାକେ ଆଦତେ ଆଦିଙ୍ଗ୍ ମିକା ପ୍ରାର୍ଥନା ମାଡ଼ାଟ୍, ମିଡ଼ ବେଲାନ୍

କି ଆଉ ଶିକ୍ଷାଦିକ୍ ସମ୍ପାନ୍ନ ଇଦ୍ୱତ୍ । ଚିକ୍ ଆଦେଲେକାମ୍ ନାରୁଡ୍,
ଆନତେ ସମ୍ପାନ୍ନ ହିଦ୍ୱତ୍ ।

୨ ମେଣ୍ଡେ ମିକା ପ୍ରାର୍ଥନା ମାଡ଼ାଟ୍, ଇଶ୍ୱର ବେଲାନ କି ମାନ ଦୁଷ୍ଟ ନୁ
ଗଲ୍ଲକ୍ ନାରିଡ୍ କାୟଦାଗାଲ୍ ଗେଲ୍ଲିତ୍ତ୍, ବାତେଲ୍ଲକ୍ତେ ସାରେତଡ୍,
ସୁସମାଗାରଦେ ବିଶ୍ୱାସିଡ୍ ଆୟ୍ତ୍ ।

୩ ଇଡ୍ୱକେ ପ୍ରବୁ ବିଶ୍ୱାସିତ୍ତ୍ ! ଅଣ୍ ମିକିଂଲ୍ ଶକ୍ତିନଡ୍ ମାଡ଼ିତନ୍ ନୁ
ଶୟତାନ୍ ନାରୁଡ୍ ତାଗାଲ୍ ଗେଲ୍ଲିତ୍ତ୍ ।

୪ ମିଲ ପରର ଆଶେ ନେଷତାନ୍ ସେଙ୍ଗେ ପ୍ରବୁ ମାନ ଆଶେ ଇଡ୍ୱତନ୍
ନୁ ମାମ୍ମେ କେଡ୍ୱତମ୍, ଆଦ୍ ମିଡ୍ ମେ ମାଡ଼ିଡ୍ ନୁ ମାଡ଼ମାଡ଼ିଡ୍, ଇଦ୍
ବିଷୟତେ ମାମ୍ମେ ନିଜାମ୍ ।

୫ କ୍ରିଷ୍ଣନାଦ୍ ଶକ୍ତି ନୁ ପରମେଶ୍ୱରତାଦ୍ ପ୍ରେମ ଆରଦାଗ୍ ମିୟାଦ୍
ହୃଦୟ ବିଶ୍ୱାସତେ ମାନନାଲ୍ ଅଣ୍ ମିକିଂଲ୍ ବ୍ୟବହାର ମାଡ଼ିତନ୍ ହିଞ୍ଜି
ମାମ୍ମେ ପ୍ରାର୍ଥନା ମାଡ଼ିଡ୍ ।

ସାରେତଡ୍ ପାଡ଼ିୟି ମାଡ଼ାନାଦ୍ ସାୟେ

୬ ହୋ ଦାଦାନଡ଼ି ନୁ ଏଲାୟ୍, ବେନଡ୍ ମଣ୍ଡି ଲେକାମ୍ ବାଦକ
ମାନତଡ୍ ନୁ ମାୟାଗାଲ୍ ସାରେ ଶିକ୍ଷା ଲେକାମ୍ ଆଚରଣ ମାଡ଼ିଡ୍; ପ୍ରବୁ
ଜିସ୍ତନ୍ ପେଦେରତେ ମିକିଂଲ୍ ଗଟ୍ ଇଡ୍ୱତମ୍, ଆଦ୍ ଦାଦାନଡ଼ାଗାଲ୍
ଜେକେ ମାନୁଟ୍ ।

୭ ମିଡ୍ ପୁଡ଼ିଡ୍ ମେ, ମିୟାଦ୍ ପାଡ଼ିୟିତାଗ୍ ମା ଲେକାମ୍ ମାଡ଼ାନାଦ୍
ସାୟେ । ମିଲ ତଡ୍ ମାୟାନ୍ ଖେଲେ ମାମ୍ମେ ବେସୁଲ୍ ବା ପାଡ଼ିୟି
ମାଡ଼ାନଲ୍ ମଣ୍ଡି ଆୟ୍ତ୍ ମାଡ଼ିତମ୍ ।

୮ ଖିଡ଼ିସି ପଇସାତେ ବେନନାଗାଲ୍ କାଦି ତିନିଖେ ମାଡ଼ିତମ୍ । ବା
ବେନ ପୋର ବଜ୍ ଆୟ୍ତ୍ ସେଙ୍ଗେ ମାମ୍ମେ ନାର୍ତ୍ତକେଡ୍ ପାୟାଲ୍
ଡିପାଲ୍ ମାଡ଼ିମାଡ଼ିତମ୍ ।

୯ ମିୟାଗାଲ୍ ବାତେଏ ତାଡ଼ନଲ୍ ମାୟାଦ୍ ମେ ଅଦିକାର୍ ଇଲେ,
ଆଦ୍ ଆୟ୍ତ୍, ବାତେଲ୍ ଇଡ୍ୱକେ ବେଦ୍ଲେକାମ୍ ମିଡ୍ ମାକିଂଲ୍
ଅନୁକରନ୍ ମାଡ଼ିଡ୍, ଆଦିନ୍ ସେଙ୍ଗେ ମାମ୍ମେ ମିଲ ପାକେ ନିଜେ
ନିଜେଡ୍ ଆଦର୍ଶ ଲେକାମ୍ ତଅତାନ୍ ସେଙ୍ଗେ ଆଦ୍ଲେକାମ୍ ମାଡ଼ିତମ୍
।

୧୦ ମିଛ ତତ୍ତ୍ୱ ମାନ୍ୟାନୁ ଖେଳେ ମାମ୍ମାନେ କେସ୍‌ମାତ୍‌ତମ୍, “ବେନ୍ ନାରୁନ୍ ପାଡ଼ିଯି ମାଡ଼ନ୍, ଅଣ୍ଟ ତିନଣ୍ଟ ।”

୧୧ ଇଦ୍ ଗର୍ ମେଣ୍ଟେ କେତୁତମ୍, ମାମ୍ମାନେ କେଞ୍ଜତମ୍ ଯେ । ମିୟାଗାଙ୍କ ବେସ୍‌ତୁଡ଼୍ ମଣ୍ଡଦେ ବାଦକୁତଡ଼୍, ବାଗାତଡ଼୍ ପାଡ଼ିଯିଦାଗ୍ ଆଙ୍ଗଡ଼ାମ୍ କାୟ୍ ଇଟି ବାଡ଼ ମିକା ମାଡ଼ଡ଼୍ ।

୧୨ ହିଦ୍‌ଲେକାମ୍ ନାରିଡ଼କ୍ ଶାନ୍ତିତେ ପାଡ଼ିଯି ମାଡ଼ି ନିଜେ ନିଜେଡ଼ ଲେକାମ୍ ବାଦକିଡ଼୍, ମାମ୍ମାନେ ପ୍ରବୁ ଜିସୁ କ୍ରିଷ୍ଟନ୍ ପେଦେରତେ ଗର୍ ଇଦୁତମ୍, ଅଡ଼୍ ଜିଞ୍ଜଣ୍ଡାଗ୍ ମେଣ୍ଟେସୁଦୁର୍ ସତକ୍ ଆସ୍ ନିଜେଡ଼ ଜୀବିକା ଉପାର୍ଜନା ମାଡ଼ିତଡ଼୍ ।

୧୩ ଦାଦାନଡ଼ି ନୁ ଏଲ୍‌ୟାସ୍, ମିଡ଼୍ ସଡ଼୍ ପାଡ଼ିଯି ମାଡ଼ାନଙ୍କ ଆୟ୍‌ଖେମାର୍ ।

୧୪ ହିଦ୍ ଚିଟିତେ ମିକିଂଙ୍କ ବେନ୍ କାରୁର୍ ରଡ଼ତମ୍, ମିୟାଗାଙ୍କ ବେନ୍ ଆଦ୍ ପାଲନ୍ ମାଡ଼ାଙ୍କ ଇଚ୍ଛା ମାଡ଼ନ୍ । ଆସଡ଼୍ ନାରିଙ୍କ ଟିଏନ୍ନା ନେହେମୁର୍ ନୁ ଅନ୍ ତୋଡ଼ ମିୟାଦ୍ ସମ୍ପର୍କ ଝିଡ଼ସିମୁର୍ ।

୧୫ ଆଗେକ୍ ବା ଅଂକିଙ୍କ ଗଡ଼ୁହିଞ୍ଜ୍ ହେର୍କା ମାଡ଼ାମାର୍, ଅଂକିଙ୍କ ତାମୁଣ୍ଡ୍ ହିଞ୍ଜ୍ ହେର୍କା ମାଡ଼ି ଅଂକିଙ୍କ ବୁଦ୍‌ହିମୁର୍ ।

ମାଡ଼େଙ୍କତାଦ୍ ଗର୍

୧୬ ଶାନ୍ତିଦାତା ପ୍ରବୁ ଇଶ୍ୱର୍ ମିକିଂଙ୍କ ସାରେଦାମ୍ ବା ସାରେଖେଲେ ଶାନ୍ତି ଇଞ୍ଜିଣ୍ଡ୍ । ପ୍ରବୁ ସାରେଦିନାଡ଼୍ ସେଜେ ମିଛ ତୋଡ଼ମାନିଣ୍ଡ୍ ।

୧୭ “ନାନ୍ ପାଉଲ୍, ନାୟାଦ୍ ନିଜେଡ଼ କାଇଦେ ଲେକି ନମସ୍କାର୍ ମାଡ଼ଡୁନ୍,” ସାରେ ଚିଟିନାଗ୍ ହିଦ୍ ଚିହ୍ନଲେକାମ୍ ନାନ୍ ଲେକ୍‌ତାନ୍ ।

୧୮ ମାନ୍ ପ୍ରବୁ ଜିସୁ କ୍ରିଷ୍ଟନ୍ ଅନୁଗ୍ରହ ମିଛ ସାରେତଡ଼୍ ତ ମାନି । ଆମେନ୍ ।

ପୁନାବ୍ ଆର୍
The New Testament in the Koya language of India:
ପୁନାବ୍ ଆର୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍
ପୁନାବ୍ ନିୟମ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae